

**Talamdan sa
Mga Mensahe alang sa Full-time Training
sa Fall Term sa 2023**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
UNANG CORINTO**

Mensahe 8

Modagan sa Lumba aron Makabaton sa Ganti sa Gingharian

Basahong Kasulatan: 1 Cor. 9:24-27; Fil. 3:12-14; 2 Tim. 4:7-8

- I. **“Wala ba mo masayod nga ang mga nanagan sa lumba nanagan tanan, apan usa ray nakadawat sa ganti? Dagan sa ingon niana, aron makakupot mo. Ug ang tanang nakigbangga nagpugong-sa-kaugalingon sa tanang butang; nagbuhat sila niana, aron makadawat silag purongpurong nga madunot, apan kita, sa dili madunot”—1 Cor. 9:24-25:**
- A. Lumba ang Cristohanong kinabuhi, ug daganon gyod nato kining lumbaa aron magantihan ta, sa dili madunot nga purongpurong, nga iganti sa Ginoo sa madaogong mga balaan Niya nga makadaog sa lumba—Heb. 12:1-2; 1 Cor. 9:24-25.
 - B. Modagan gyod sa lumba ang tanang naluwas nga Cristohanon aron makadaog sa ganti (v. 24), nga dili kaluwasan sa kasagarang kahulogan (Efe. 2:8; 1 Cor. 3:15) kondili ganti sa espesyal nga kahulogan (Heb. 10:35; 1 Cor. 3:14).
 - C. Nidagan sa lumba si apostol Pablo, nakaabot sa iyang dag-anan, ug nakadaog sa ganti, sa purongpurong sa pagkamatarong, nga iganti sab sa Ginoo sa tanang nahigugma sa Iyang pagtunguha—9:26-27; Fil. 3:12-14; Buh. 20:24; 2 Tim. 4:7-8.
 - D. Ingon nga mga magtutuo Niya, nakadawat na tang tanan sa kaluwasan ug sa kinabuhing dayon sa pagtuo nato ni Cristo, ug dili na ta mag-antos sa walay kataposang pagkalaglag (Juan 3:16, 36; 10:28-29), apan kanang magantihan ta Niya ug makalikay sa iya-sa-dispensasyong silot nag-agad giunsa nato pagdagan sa lumba (Mat. 25:30):
 1. Buntogon gyod nato ang atong lawas ug bihagon kini aron moalagad nato isip ulipon nga motuman sa balaang tuyo nato—1 Cor. 9:27; Col. 3:5; Rom. 8:13.
 2. Magmabinantayon gyod ta pag-ayo sa pagdagan nato sa atong dagananan aron maaprobahan ta ug dili isalikway sa hukmanan ni Cristo (2 Cor. 5:10) ug mahimong takos sa ganti sa umalabot nga gingharian (Mat. 24:42-46; Mar. 13:33-37; Luc. 12:37; Mat. 7:21-23; 25:11-12).
 3. Mopursigir gyod ta sa tumong, sa kinahingpitang pagpahimulos ug pagpakabaton kang Cristo, alang sa ganti, sa kinahingpitang pagpahimulos kang Cristo sa gingharian sa millennium isip ganti sa madaogong mga magdadagan sa lumba sa Bag-ong Tugon—Fil. 3:12-14; Mat. 25:21, 23:
 - a. Aron makabaton ni Cristo sa kinahingpitan gyod, kalimtan gyod nato ang nangagi, dili man ngani magpabilin sa mga kasinatian nato ni Cristo kaniadto—Heb. 3:7-15; 4:7.
 - b. Ang pagpabilin nato sa mga kasinatian nato kaniadto, bisan unsa pa kadto katinuod, makaulang gyod sa pagpursigir pa nato ni Cristo—itandi sa Luc. 9:62.
 - c. Mokab-ot gyod ta sa unahan adlaw-adlaw aron labi pang mabatonan nato ang lapad kaayo ug wala pa mataak nga teritoryo ni Cristo sa unahan nato.
- II. **“Naaway na nako ang maayong pakig-away; nakaabot na ko sa dag-anan; gibantayan nako ang pagtuo. Sukad karon duna nay gitagana alang nako nga purongpurong sa pagkamatarong, nga ibalos sa Ginoo, sa matarong nga Maghuhukom, kanako niadtong adlaw, ug dili kanako ra kondili sa tanan sab nga nahigugma sa Iyang pagtunguha”—2 Tim. 4:7-8:**

- A. Ang hustong Cristohanong kinabuhi naglakip sa pag-away sa maayong pakig-away batok ni Satanas ug sa iyang gingharian sa kangitngitan alang sa mga tinguha sa gingharian sa Dios—Efe. 6:10-19:
 1. Mangalagad ngani ta ni Cristo sa uban, maanaa ta sa gubat; busa, kinahanglan mga sundalo ta nga nakig-away alang sa mga tinguha sa Dios—2 Tim. 2:3-4.
 2. Ang pag-away sa maayong pakig-away nagpasabot nga makig-away ta alang sa pamatigayon sa Dios sa Bag-ong Tugon; labi na gyod, pakig-away kini alang ni Cristo nga pagkalawas sa Dios ug sa iglesia nga Lawas ni Cristo—1 Tim. 6:12; 1:4; Col. 2:9, 19.
 3. Dili luwason ang mga mananaog gikan sa kagubot karon; dag-on hinuon nila ang makaguba nga satanasnong kagubot ug modaog diha sa makatukod nga diosnong pamatigayon—1 Tim. 1:3-4, 19-20; 4:1-2; Tito 3:10; 2 Tim. 1:15; 2:17-18; 4:8.
 4. Nag-antos ang mga mananaog sa kagubot, apan imbis mahigawad o maluya, gilig-on ug gihatagan silag kusog sa nahikay ug nahingpit nga Tulo-usang Dios nga igo-sa-tanan nga grasya aron makabarog sila alang sa diosnong pamatigayon ug magkinabuhi niini sumala sa kamatuoran—vv. 10, 14-18; 2:15; 1:9; 4:22.
- B. Dunay “dagananan” nga giandam alang sa tanang magtutuo sa panahon sa pag-anak pag-usab kaniya sa tuyo nga hingpit gyong mahamtong ang bag-ong kinabuhi nga nadawat niya (Heb. 6:1a) ug sa tuyo nga mahimong mapuslanon sa Dios sa kinahingpitan gyod ang iyang kinabuhi (2 Tim. 2:21; Filem. 10-13, 20):
 1. Kaakohan sa tanang magtutuo nga mangita ning dagananan ug molakaw niini; dili makatino ug makasulti ang uban kon unsa kining dagananan; ang Dios ray nasayod, ug ang Dios ray maka-pahibalo niini sa tawo; Siya ray makadala sa mga magtutuo nganha niini.
 2. Pareha ra ang sitwasyon karon sa dihang gidala Niya silang Jeremias ug ang ubang propeta, ug silang Pablo, Felipe, ug ubang apostol—Buh. 13:25a, 36a; 20:24.
 3. Malahutayon gyod tang modagan sa lumba, malahutayong moantos sa pagsupak ug dili gyod laayan o maluya ba diha sa atong kalag—Heb. 12:1-3.
- C. Ang hustong Cristohanong kinabuhi naglakip sa pagbantay sa pagtuo aron makaambit sa diosnong kadato diha sa pamatigayon sa Dios; ang pagbantay sa pagtuo pagbantay man sa tibuok pamatigayon sa Dios sa Bag-ong Tugon—ang pagtuo kalabot ni Cristo nga pagkalawas sa Dios ug misteryo sa Dios ug sa iglesia nga Lawas ni Cristo ug misteryo ni Cristo—1 Tim. 1:3-4, 19; 3:9; 4:1; 6:12; Tito 1:4; Jud. 3; Col. 2:2; Efe. 3:3-4; 5:25.
- D. Ang kahibulongang Cristo nga napahimuslan nato ingon nga gahom sa pagkabanhaw ug pagsidlak sa Dios nga mahimong madaogong kusog nato aron mapadayag si Cristo nga kinabuhi mao ang atong purongpurong sa pagkamatarong, atong ganti, atong balos—Gen. 15:1; Isa. 28:5; 1 Ped. 5:4; Buh. 11:18; 2 Cor. 7:10.

III. Aron makapahimulos ta ni Cristo nga atong ganti sa gingharian, mahigugma gyod ta sa pagtungha sa Ginoo, nga mao ang pagtungha ug pagpakita Niya kanato karon ug ang presensya Niya uban sa Iyang katawhan sa ikaduhang pag-anhi Niya, pinaagi sa pagpabilin nato sa piot nga dalan sa pagkamatakawon sa kinabuhi ug pagkamatinumanon sa pag-alagad aron maumol ta nga pangasaw-onon ni Cristo—Buh. 26:16; Rom. 8:19; 1 Tes. 5:23; 2 Tes. 1:10; Juan 14:21, 23; Mat. 7:13-14; 24:3, 45-51; 25:9, 13, 21:

- A. Magpauraray gyod ta sa atong Hinigugma, sige Siyang himoon nga atong kusog sa “paggula” aron mo-biya ta sa kalibotan ug mosugat Niya nga atong Pamanhonon, wala-gyoy-mahimo nga nagsalig Niya nga Dios sa pagkabanhaw—A. A. 8:5; 2 Cor. 1:8-9; 4:16-18.
- B. Mag-ampo gyod ta nga ibutang ta Niya ingon nga timbre sa Iyang kasingkasing sa gugma ug sa Iyang bukton sa kusog ug gahom, hingpit nga nagsalig sa Iyang kaluoy, gugma, grasya, ug nag-amping nga gahom—A. A. 8:6-7; Exo. 28:12, 29; 1 Tes. 3:13; Rom. 9:16; Jud. 24.
- C. Bug-os gyod natong higugmaon ang Ginoo sa kayano ug kaputli, mangamuyo Niya nga pugngan ta sa Iyang mabinationg gugma aron magkinabuhi ug mamatay ngadto Niya—1 Cor. 2:9; 16:22; 2 Cor. 5:14-15; 11:2-3; Rom. 14:7-9; 8:35-39; Bug. 12:11.

- D. Bag-o ug bug-os gyod natong ihalad ang atong kaugalingon sa Ginoo adlaw-adlaw—Lev. 6:12-13; Exo. 21:5-6; Buh. 11:18; 2 Cor. 7:10.
- E. Direkta gyod tang mokontak sa Ginoo matag butang, nga panahong makigsulti ta Niya ug makigsulti Siya nato, hingpit nga magpabatok sa Ginoo diha sa Iyang kahayag aron bug-os tang maghinulsol ug mosugid sa Iyang presensya—Isa. 50:4-5; 1 Juan 1:7, 9.
- F. Mangandoy gyod ta nga mamulong ang Ginoo kanato, balikbalik nga mobasa sa 66 ka basahon sa Biblia ug dawaton ang pulong sa Dios pinaagi sa tanang pag-ampo aron mabalaan ta, maumol pag-usab, ug maharian sa pulong sa Dios—A. A. 8:13-14; Deut. 17:18-20; Efe. 6:17-18; Mar. 4:23-25.
- G. Mapadayonon gyod natong tawgon ang Ginoo, daygon ang Ginoo, pasalamatan ang Ginoo, ug awitan ang Ginoo—Gen. 4:26; Isa. 12:3-5; Efe. 5:19; Col. 3:16; 1 Cor. 14-15; Heb. 2:12.
- H. Mga tawo gyod unta ta nga nag-ampo nga dunay kinabuhi sa pag-ampo nga gipatumong sa tinguha ug pamatigayon sa Dios—Dan. 6:10; 1 Hari 8:48; itandi sa Exo. 28:29.
- I. Magkinabuhi gyod ta diha sa Lawas ug alang sa Lawas, mag-amping sa atong kaugalingon diha sa nakigsakot nga kinabuhi sa tibuok Lawas ni Cristo—1 Cor. 12:24; Lev. 2:4-5; Huk. 7:13-15.
- J. Gamiton gyod nato ang atong espiritu aron magkinabuhi ug maggawi pinaagi sa Espiritu ug magpahimulos sa pagkausa sa Espiritu, nga giluwat sa pagkalaglag sa pagbahinbahin—Rom. 8:2, 4; Gal. 5:25; 1 Tim. 4:7; Buh. 24:16; Jud. 19; Mal. 2:15-16.
- K. Bantayan gyod nato ang atong kasingkasing sa tumang pagkamatukawon, kanunayng ipatumong ug hingpit nga ablihan Kaniya ang atong kasingkasing aron mahimong putli, humok, mahigugmaon, ug malina-won ang atong kasingkasing—Prov. 4:23; 2 Cor. 3:16, 18; Mat. 5:8.
- L. Ihalad gyod nato sa Dios ang atong lawas ingon nga halad-inihaw nga buhi aron mabatasan ang kinabuhi sa Lawas ug mahimaya ang Dios sa atong lawas—Rom. 12:1-2; 1 Cor. 6:20.
- M. Moinom ug mopaagay gyod ta sa tubig sa kinabuhi—Juan 7:37-39; Prov. 11:25.
- N. Magkinabuhi gyod ta sa lagsik-nga-grupo nga iglesihanong kinabuhi—Juan 12:2-3; Heb. 10:24-25.
- O. Ihatag gyod nato ang atong materyal nga katigayonan alang sa mga tinguha sa Dios—Mat. 6:19-21:
1. Kon matinumayon ug makanunayon natong ihatag sa iglesia ang 10 porsiyento sa atong kita, magmadagayaon ta sa salapi; labi tang mohatag, labi sab tang makadawat ug labi tang makahatag—Mal. 3:10; Luc. 6:38.
 2. Dunay ugdang nga kaakohan ang mga nangako sa pagdawat ug pagdumala sa mga halad sa mga balaan; kanunay gyod silang “maghunahuna daan sa mga butang nga talahoron dili lang sa panan-aw sa Ginoo kondili sa panan-aw sab sa mga tawo”; mapildihan ang iglesia kon dili ta makahatag sa mga balaan og makatagbaw nga tubag ug kwenta kalabot sa pagdumala nato sa gitino nga mga halad—2 Cor. 8:21.
- P. Mopasaylo gyod ta sa uban aron pasayloon ta, dili mohukom o manaway ba nila, hubaran hinuon sila aron hubaran sab ta—Mat. 6:14-15; Luc. 6:37.
- Q. Atimanon gyod nato ang uban sa paghingpit kanila nga mohamtong sa kinabuhi aron maugmad ang ilang pagtuo ug gugma sa pagpangga kanila diha sa pagkatawo ni Jesus ug pagtil-og kanila diha sa pagkadios ni Cristo—A. A. 1:7-8, 10-11; 4:11a; 8:8-10; Buh. 20:20, 31; Mat. 24:45; 1 Juan 3:16; Zac. 10:3; 11:7.
- R. Mopropesiya gyod ta aron matukod ang iglesia—1 Cor. 14:4b, 26, 31.
- S. Ampingan gyod nato ang atong kaugalingon diha sa dagkong dalan paingon sa Sion aron mosulod sa Dios nga balaang puluy-anan nato aron mahimo tang balaang puluy-anan Niya—Sal. 84:3-5; Juan 1:14; Efe. 2:22; 1 Tim. 3:15.
- T. Mosunod gyod ta sa Cordero bisan asa Siya moadto, magsangyaw sa ebanghelyo sa gingharian sa tibuok yutang gipuy-ag tawo—Bug. 14:4; Mat. 24:14.
- U. Kinahanglan nga desidido gyod tang makaangkon sa dungog nga gikahimut-an sa Ginoo aron madawat nato Siya ingon nga ganti sa gingharian ug mahingpit ang diosnong paghigugmaay nato Niya diha sa walay-sala nga ginsakpan sa tam-is ug matahom nga gingharian Niya, nga molukop sa tibuok yuta—A. A. 8:11-14; 2 Cor. 5:9; Heb. 11:5-6; Col. 1:10-11; Bug. 19:7-9; 21:2.

@ 2023 Living Stream Ministry